

Soalan 2

Baca bahan-bahan yang diberikan dengan teliti. Kemudian, jawab soalan-soalan yang berikutnya.

Bahan 1

Pantun Kegigihan Memacu Kejayaan

Pohon merimbun persekitaran redup,
Petani berteduh berasa selesa;
Ingin berjaya dalam hidup,
Berusaha tanpa berputus asa.

Bawang putih di celah halia,
Perencah enak memasak angsa;
Pilihlah tugas kerjaya mulia,
Dapat berbakti kepada bangsa.

Menarik sungguh karya seniman,
Seniman hebat dari selatan;
Kerjaya mencabar banyak pengalaman,
Pengalaman dikongsi si anak watan.

Ikan terapung terkena tuba,
Tuba dicurah di dalam air;
Gagal sekali terus mencuba,
Harapan besar usah berakhir.

Bahan 2

Setiap remaja pasti mempunyai idola yang ingin dicontohi sebelum mereka menentukan kerjaya masa depan. Biasanya, idola yang dipilih memang dikagumi dan menepati dengan kerjaya yang dipilih. Segala ketekunan, kegigihan dan kekreatifan idola akan dijadikan teladan dalam menggapai kerjaya idaman mereka.

Oleh itu, seseorang yang dijadikan idola seharusnya mampu mempengaruhi pemikiran, tindak-tanduk dalam membuat keputusan serta kesungguhan seseorang untuk memastikan kerjaya yang dihasratkan dapat direalisasikan. Sememangnya, idola mampu mempengaruhi seseorang dalam membina semangat dan motivasi ke arah menjadikan kerjaya sebagai kenyataan bukannya omong-omong kosong sahaja.

1. Berdasarkan bahan, apakah tindakan yang perlu diambil untuk berjaya mencapai cita-cita?

Tindakan yang perlu diambil untuk berjaya mencapai cita-cita, kita perlulah

_____ - Selain itu, kita perlu

2. Berdasarkan bahan 1, apakah kerjaya yang sepatutnya menjadi pilihan remaja?

Kerjaya yang sepatutnya menjadi pilihan remaja ialah pekerjaan yang mulia agar dapat

_____ kepada bangsa. Seterusnya, kerjaya memilih kerjaya yang

3. Untuk mencapai cita-cita, kita perlu belajar bersungguh-sungguh agar cemerlang dalam pelajaran. Pada pendapat anda, bagaimanakah cara belajar yang berkesan untuk cemerlang dalam pelajaran?

Antara cara belajar yang berkesan untuk cemerlang ialah seseorang pelajar mestilah

_____ agar dapat menguasai isi pelajaran dengan lebih baik. Selain itu, pelajar perlu _____

kerana tumpuan penuh yang diberikan kepada guru akan memudahkan pelajar untuk mengingat sesuatu fakta yang dipelajari.